

## Nwe ayi Jemsi ásamé

### *Matame*

<sup>1</sup> Me Jemsi, memkpané defwé Ɛsɔwɔ ne Ata Jisɔs Kras ne nsámé ηwe yina eta enyú bɔ́ Jisɔs abi détyaá déjyέ né mme meko. Ntamege enyú. \*

### *Bége ne nechóchó gébégé depɔ détomégé enyú*

<sup>2</sup> Anme ba, yéndégébé depɔ déké détomégé enyú, né eta nyú ébé metɔ́ megɔmegɔ. <sup>3</sup> Tége nnó depɔ ɛ́tíré détomége mbɔ enyú délúlé mamfwɔré mbɔgé enyú défyé matɔ́ ne Ɛsɔwɔ wáwálé. Depyέ nnó enyú débó eshye mangbárégé matɔ́. <sup>4</sup> Ne debɔ mangbárégé matɔ́ nyú yéndégébé, pyége mbɔ nnó débéné né depɔré Ɛsɔwɔ né yéndé meti, dékaá chánéné yéndégenó eyigé enyú dépyέ. <sup>5</sup> Mbɔgé muú nyú ala kaágé genó eyigé ji abɔ́ mampye, ánémmye mbaá Ɛsɔwɔ. Achyέgé nye ji majyέ. Ɛsɔwɔ achyεge majyέ ne metɔ́ megɔmegɔ akpεge fɔ mbaá muú ayi agíge ji.

<sup>6</sup> Yémbɔ muú aké anenemmye, ákamé ne metɔ́ ɛma ábége fɔ ne dembyó. Akaá nnó muú ayi ábéé ne dembyó, alu eké ηgbannyi ebéé mega, ayi mbyo nnyi átene ájyέ yéndé égbé. <sup>7-8</sup> Muú ayi áwyaá matɔ́ apea, áférége depɔ deyaádeyaá né genó

---

\* **1:1** Elú wáwálé nnó: Né ukwene bɔ ηwe abifɔ ásá wye nnó Matoó Isreli 12. Ne elu wáwálé nnó Jemsi ájɔ́ mbɔ, atome mbɔ nto ele ne bɔ́ Jisɔs ako.

eyigé ji apye. Gəfəgé muú yimbə ékagé áféré nnó  
 Ɛsəwə achyege nyé ji genó fə cháchá.

*Muú gekpo ne muú gefwa*

<sup>9</sup> Yéndé menmə ayi álú mbya ábé ne nechóchó  
 nnó aŋea gəme né mbe ushu Ɛsəwə, <sup>10</sup> Wyémbə ntó  
 ne yéndé menmə ayi áwyaá gefwa, abó mambə  
 ne nechóchó nnó Ɛsəwə apye ji alu lé muú ayi  
 akó deká né mbe ushú wuú. Néndé, ábélégé  
 nye fə mamgbó ndere ukoó byá mewaá úgbóo.  
<sup>11</sup> Mŋməé étyegé ne gelu, edo ukoó bya mewaá  
 bimbə úwánese úgboó, uló ebwó unó. Wyémbə  
 ntó ne muú gefwa ágboó gébége akwólégé mati  
 gefwa jíí.

*Mmuameno átánégé fə mbaá Ɛsəwə*

<sup>12</sup> Muú ayi ágbárege metá wuú gébége depə  
 détomégé ji abó méjé, néndé gébége aténégé ne  
 eshye apwəgé depə etiré mbə, Ɛsəwə achyege nye  
 ji nsá ayi ji anyémeno manchyéé bó abi ágboó ne  
 ji. Nsá yimbə élé geŋwá eyi gélágé byé. <sup>13</sup> Depə  
 déké détené múu né mmuameno, ékagé ajó nnó,  
 “Ɛsəwə ne ámmuáme ji,” yé genó gépó eyi gékáge  
 té Ɛsəwə né mmuameno nnó gété ji ápye gabo. Ne  
 Ɛsəwə ntó aténé fə muú ne mmuameno. <sup>14</sup> Yémbə  
 éle uféré uboubə ebi útánege ese mató ne únyúu  
 esé dékpé né gabo. <sup>15</sup> Ubi ujágé ese né mató  
 dó, úténe ese né gabo ne gabo ntó gébége awégé  
 aŋeágé achwə ne negbo.

<sup>16</sup> Aŋmə ba abi ngboó ne enyú, dékamégé fə  
 muú ápye enyú déno mewaá. <sup>17</sup> Yéndé echye ewé  
 élú melóméló ne cho, étánege mbaá nte esé Ɛsəwə  
 ayi ákwyé unó uko ebi úgénége né mfaánebuú.  
 Unó bi úgénége né mfaá úkwórege malu, ne Ɛsəwə

akwórégé cháchá. <sup>18</sup> Εσωω ndere ji ákelege, ake ne mekomejó wuú ayi álu wáwálé abyε εsé mambyε yi meke. Αpyεmbο nnό εsé débέ genógé mbe, εyige jimbό ajyaá nnό gébé ejíí né geluágé unό uko εbí ji ákwyεέ.

*Wúge mekomejó Εσωω dépyégé unό bí djό*

<sup>19</sup> Αημε ba, abi ngboό ne εnyú, tege nnό yéndemuú nyú akpome mmyε mánwúge unό, ase gebe ne ajoge unό ne asage fο metό wáwá. <sup>20</sup> Nénde matό áke ásό bό, ákágé pyε fο unό ulóúlό εbi Εσωω ákelege nnό άpyε. <sup>21</sup> Ne manjye mbe gétú εyigémbο, lyage yéndé gepο gebogebo εyi gétené εnyú mampyε gabo, ne lyáge ntό ufere uboubο bi εnyú dewyaá ne ate. Chyége gemεge nyú mbaá Εσωω dékámé ne meko mejό ayi ji afyεέ mmu matό nyú, néndé mekomejó yimbο ne ákage pyε εnyú dépό negbo.

<sup>22</sup> Débό mambε bό abi άpyε genό εyigé mekomejó Εσωω ájόge, délagé fο manwúgé wuú. Deké dewuú délá dépyε genό εyigé ajόge, εbyennό debwόlege gemεge nyú. <sup>23</sup> Ne mbόgé muú awúgé mekomejó Εσωω álá pyεέ genό εyigé ajό, muú yimbο alu eké muú ayi ápéle geme jíí né έféέ, <sup>24</sup> agεgé ndere ushu bíí ulú atanégé ajyεgé έwyágé ajinte ndere ushu bíí úbό ulú. <sup>25</sup> Né mbaá muú ayi ágíí mekomejó Εσωω chánchá ayi áférege bό né mmu gabo ne negbo, ne ajyεέ mbe mampyégé genό εyi mekomejó yimbο ájό, Εσωω ajéle jíí né yéndégenό εyigé jí άpyéε. Alu muú ayi álá wuú mekomejó Εσωω wuú, apyε genό εyigé ájό.

<sup>26</sup> Mbόgé muú afere nnό anoge Εσωω chánchá ne álá gbárégé nénómé níí né mbaá unό bi jí

ajóoge, abwólége lé gemε jii ne yéndégenó eyigé ji ápyéε né mabɔ Ɛsɔwɔ genome mme detu. <sup>27</sup> Unó ɛbí úlú cho ne pópó né mbε ushu Ɛsɔwɔ Nte ɛsé, ɛbí ji ákélege nnó ankwale bíi ápyégé úlú nnó, ábó mampóógé baá ulame ne akwí andée né ɛfwyale bwó. Abámé gemεge bwó nnó ékagé unó uboubó ɛbi mme úchó ɛbwó.

## 2

*Lyaage mansélé bɔ́ abifɔ́ nnó ányé gemε ápwɔ́ abifɔ́*

<sup>1</sup> Anme ba, te mbaá défyéé matóó nyú ne Ata sé Jisɔs Kras, Ata ayi énogé, élmé fɔ́ nnó dékpreégé bɔ́ abifɔ́ dépwógé abifɔ́. <sup>2</sup> Désé nnó bɔ́ ápeá áchwó kpe mbaá ayi ɛnyú dégbarege ujwólé. Ama awyá nka, afyé mandeé malómáló, afyé ntó bɔ́ nkpáganéré abi ájamé nka dɔ́ né denɔ́ré amu tíí. Ayi fɔ́ alu muú gekpo, afye uchálé mandeé. <sup>3</sup> Ɛnyú désé muú ayi afyéé mandeé malómáló ne énogé dejóó ne ji nnó, “Ata gé geluógé énogé na jwólé fa.” Ne débwólé mmyε, mbaá muú gekpo deké, “Téné éwu,” élá pó mbɔ́ wó, “Chwó jwólé fa né metóó gepú.” <sup>4</sup> Depyεgé mbɔ́, delere mbɔ́ le ányá né geluage nyú ne desɔ́ mpa ne uféré uboubó.

<sup>5</sup> Anme ba abi gejeé, nénege matu déwú mechó ɛwé nkélege mangaré ɛnyú. Ɛsɔwɔ ajya mé bɔ́ abi áferé nnó álú gekpo, ákwane fɔ́ mambe bɔ́ abi áwyaá gefwa né depɔ́re ɛsɔwɔ wɔ́, nnó ɛbwó ne álú abi áfyéé matóó ne Ata Jisɔs wáwálé. Ɛbwó ntó ne álú bɔ́ abi anyéé nyé gefwa eyigé ji ábó anyéé nyá meno nnó achyεge bɔ́ ako abi ábɔ́ gejeé ne ji. <sup>6</sup> Ɛnyú debyaá bɔ́ gekpo, pó nnó bɔ́ manka ne

áfwálege ná enyú? Ebwó ne ájáme enyú dékpréne unó mpa né máchá eso. <sup>7</sup> Pó nnó wyé ebwó ntó ne áchóó gechánchágé mabó Ata nyú ayi enyú délú bóó bíí?

<sup>8</sup> Mbógé enyú dékelege mampye genó eyi gélú cho, débó mámbéle gekpékpéégé ebé ewé élú né mmu ηwe Εσωω mfwa sé. Ebé wémbo ejóoge éké, “Bó gejeé ne nte menmé wye ndere óbo ne gemε jyεé.” <sup>9</sup> Yémbo deké desele bóó abifo nnó áñeá gemε ápwó abifo dépyε gabo, ne ebé ewémbo egbaré enyú ndere bóó abi ákwené ebé. <sup>10</sup> Yé ébélé nnó, muú anogé mabé Εσωω ne ákwegé éma ebyennó akwé mbo elé ájí mako. <sup>11</sup> Néndé muú ayi ájóó nnó “Ókwegé uló” wyé ji ne ájóó ntó nnó “Ówagé muú.” Gétú eyímbó, mbógé muú awagé nte akwé ebé Εσωω, yéé elé álá kwe uló wó. <sup>12</sup> Gétú eyina, ngarege enyú nnó yéndégenó eyi dejóogé ne yéndégenó eyi dépyéé, pyége ndere bóó abi ákaá nnó bíí uma Εσωω asele nyε mabe áyina, ayi áferege ebwó né gabo ápa mpa bwó. <sup>13</sup> Mbógé muú ála γε meshwe ne nte menmé wuú wó, Εσωω ntó agé né fó ji meshwe gébégé aké apane mpa bóó. Yémbo muú ayi ágéne meshwe ne ate áñmé akpene unó mpa Εσωω tágátágé.

### *Metó mamfyε ne Εσωω ne uló melu*

<sup>14</sup> Añme ba, mbógé muú ajóoge mbo nnó áfyéé metó wuú ne Jisós Kras ne álá lómé melu, galógáló awuú alu mbo fó? Gefóogé metó ewé ji áfyé mbo nnó ekage pyéé Εσωω afere ji né unó mpa né bíí ebi kwyakwya? <sup>15</sup> Désé nnó añmé fó áπό ne mandeé ne genó eyigé anyéé yéndé bíí. <sup>16</sup> Ne muú nyú agεgé ebwó atamé lé ebwó támege aké, “Dεε oo” Εσωω

ájé enyú debó mandeé ne menyεέ ayi dekelege yénde bi. Mbogé átamégé εbwó mbó, álá chyé εbwó genó εyigé εbwó akélege wó, ápoó mbó εbwó né ndé meti? <sup>17</sup> Gége yé nnó mbogé muú ake áfyεέ wyé metóó éwú éwú ne Kras ne álá lómé melu, metóó εwé ji aké mbó afyé ne Kras élú detú.

<sup>18</sup> Ndo fó muú fó akage jóó aké, “Mfyεέ lé metóó wa éwú éwú ne Kras, ne ayifó aké me ntó mpye élé uló melu εbi Εσωω akélege”. Né égbé wa, ngige muú ayi mbe nnó léré me gefóó εyigé wó ófyεé metóó ne Εσωω, álá lómé melu, ne me ntó nkeré nleré wó metóó wé me mfyεέ ne Εσωω né uló melu bi me mpyéε. <sup>19</sup> Enyú dékamé nnó Εσωω alu ama εwémbo éló, yémbo tége nnó aló nchye ntó ákamé mbó ne épye abi áwére gbagba ne εfo.

<sup>20</sup> Wó muú defóó délá pó wó, okélege nleré wó nnó muú áfyεgé metóó ne Εσωω álá lómé melu, metóó wé ji afyéé mbó épó yé eké genó? <sup>21</sup> Pé gekwénégé nte sé Abraham. Ndé gepyé Εσωω aselé ji nnó alu cho né mbe ushu wuú? Ele genó εyigé ji ápyé né gébé εyimbo. Ndere ásele Asek maá wuú anere mfaá geluó εyigé áchyége gepε mbaá Εσωω nnó ápye gepε eta wuú. <sup>22</sup> Gé yé ndere metóó we ji áfyεé ne Εσωω ekene gelua ne genó εyigé ji ápyεé. Genó εyigé ji apyεé gélere chánchá nno metóó εwe ji afyéé ne Εσωω ekwane. <sup>23</sup> Genó εyigé ηwe Εσωω ájóó gelu cho nnó, “Abraham áfyεé metóó wuú ne Εσωω. Épyégémbo Εσωω ase ji nnó alu cho né mbe ushu wuú.” Bóó ntó aké, ji alu “Mejeé Εσωω.” <sup>24</sup> Gége yé nnó élé né uló melu εbi muú apyεé, εbi Εσωω akélege ne aséle muú nnó alu cho né mbe ushu wuú, épó fó metóó mamfyε ne ji éwú éwú.

<sup>25</sup> Goge mma meé enyú né mechó ewé fɔ. Tége Rahab ayi ábó álu nya mendée eno. Ji ase nya bɔɔ Isrɛli fɔ abi átɔme nnó áchwɔ ápe mewaá bibíí, ane ebwɔ́, apood ebwɔ́ ábó né meti ewé cha ákere. Getu eyigémbɔ Eɔwɔ́ ase nyá ji nnó álu cho né mbe ushu wuú.

<sup>26</sup> Wyé ndere mendoó étanégé muú mmye alaá genkwɔ́, wyé mbɔntó ne muú afyegé metɔ́ ne Eɔwɔ́ alá pyéé ulɔ́ melu ebi Eɔwɔ́ akélege, metɔ́ ewé áfyé mbɔ élú detú.

### 3

#### *Gbárege mánómé nyú*

<sup>1</sup> Anmé ba, élómé fɔ nnó esé gejamé démmyé gé nnó débé ánléré né gepúgé Eɔwɔ́, néndé dékaá nnó Eɔwɔ́ aherege nye mpa esé abi délerege apwɔ́ ayi bɔɔ abifɔ. <sup>2</sup> Ese ako depyéé mé gyéé né gejamé gé mati. Ne mbɔgé élú wáwálé nnó muú akwe fɔ nekwené meno né mejɔ́ wuú wɔ́, ébyeénnó apó gyéé ne akagé gbáre menyammye wuú. <sup>3</sup> Déméé mechó ewé ná ne mpɔ mekágálá. Defyegé nkɔkɔné né meno wuú, depyéé nnó awu ese. Ne dékaágé já ji ájyé yéndé mbaá yi dekelege. <sup>4</sup> Déméé ntó ndere esogeka ewé ekéne né ebeé mega élú. Yé elé éheá, mbyo nnyi akpane éwú. Muú ayi ajji ekpé akágé sé maá genó nkane nsɔm ásó éwú éjyé yéndé mbaá ayi ji akélege. <sup>5</sup> Wyémbɔ ne nénómé mekwaá nélú. Yé elé nélú kɔ́, né wyaá uto né menyammye mekwaá ne nejɔ́ge depɔ́ kpakpa.

Tége ntó ndere mbe mewe akáge sɔ gekpékpégé mewaá wum wum wum. <sup>6</sup> Nénómé nélú ntó eké mewe, nélú mbaá ayi gabo mme meko átánege, wye ne ásane achɔ́ yéndé mbaá né menyammye

mekwaá. Nénómé né lweége mewε εwé εsóó genwágé mekwaá, éló né dembáné kpaá te ágboó. Mewε εwémbo étánege né mbaá danchomeló jimboó. <sup>7</sup> Esé akwaá dekage nkane ábélege ufóó menya ufóó ufóó. Debelege με menya εyi mewaá ne εyi nnyi, mmyo ne denywone, depye éjí εwuú εsé. <sup>8</sup> Yémbo muú akaágé gbare nénómé níí nnó néwuge ji. Nélu genó gebo, muú akaágé gbare fó néní ne nchye ayi néní néwyaá awane muú. <sup>9</sup> Esé desele nénómé dechyege matame mbaá Ata ne nte sé εsowo, desele ntó néní deshyéé boó abi εsowo akwyéé nnó áfú ji. <sup>10</sup> Meno éwú ne matame ne mashye atanegε wyéé. Anmé bá, gefóógé genó εyina gékwané ne εsé wó. <sup>11</sup> Manaá manyú ne ami mámyáme mátánégé fó né embú nnyi éma. <sup>12</sup> Anmé bá, dánfelé awómé fó mashu, ne ula ushi úwómé fó ntó dánfelé. Wyεmbo ntó ne, embú nnyi εwé éwyaá manaá malómáló élá tánégé né εβεé mega.

### *Denja tire detanege mbaá εsowo*

<sup>13</sup> Mbógé muú nyú fó ama alu ayi áwyaá denja, ne akaágé ndere εsowo akélege nnó εse débé, genwá jíí geko gelere nnó awyaá denjá ne ake alerege ulóó melu bií, áshulé mmyε jíí mme. Gé gepo yi gélérege nnó muú awyaá denja mbo. <sup>14</sup> Yémbo mbógé enyú deke demmyε demboó ne ate ne dékelege wyé lé nnó áwú enyú ambií, ékagε débwégé mmyε nnó dewyaá dénja. Désεgé ntó gebyó dékwéré wáwálé. <sup>15</sup> Gefóógé dénja εtiré na détané fó mbaá εsowo wó. Détané fá mme délúlé dénjáré akwaá ne εtire aló nchye. <sup>16</sup> Yénde mbaá ayi boó áβεgé áke ámmyε demboó ne ate ne áké



ákélege nnó ebwó ambií ne ábó unó ápwó abifó, éféé ntó ne mawámé ne yéndé gefóógé gabo abeé. 17 Yémbó denḡa etire détanegé mbaá Eṣṱwṱ délu chá. Muú ayi awyaá gefóógé denḡa etire na abeé fṱ ne deba né metó wuú. Abε ne nesṱ ne ate aḡme, abeé muú nyámeé, ató fṱ mekpṱ, ageḡe meshwε ne ate aḡmé dṱ. Alṱme melu, álérégé fṱ áḡyá ne abeé fṱ muú dembwólé. 18 Bṱ abi ápyε nesṱ abi ápoóge ntó ate abifó nnó ákéné né mmu nesṱ, ágeḡe nyε galógaló dṱ ayi átánege mbaá unó bi ebwó ápyéé.

## 4

### *Dényéégé fṱ dejeé ne geḡwáge mme*

1 Ndé genó gepyεé ne enyú déwámege, demmyε ne ate? Pṱ lé gétúgé mmwólé unó mme? Ubi ne ummyε ne enyú né mató. 2 Enyú dekelege mambṱ unó bi dela pṱ ne ubi, eféé mbṱ ne dewane ate. Denyεé manwaá, dégéné fṱ unó úbi enyu dekelege, nkaáwú ne démmyéε, déwámege ne ate. Ne ula bi délá bṱ unó bi dékélege úlú nnó, degíge fṱ Eṣṱwṱ nnó achyεé enyú ubi. 3 Ndṱfṱ degíge Eṣṱwṱ nnó achyé enyú unó bimbṱ, achyéégé fṱ néndé degíge ne uféré uboubṱ. Dekelege nnó achyεgé enyú déchṱ né mmwólé unó mme nnó depyε nkane ejíí enyú. 4 Enyú delu eké andée abi ákwéne malṱ. Dekaa nnó mbṱgé muú aké agboó ne unó mme yina alu muú mawámé Eṣṱwṱ wṱ? Yéndémuú ayi abṱ gejeé manyéé dejeé ne unó mme, alu muú mawámé Eṣṱwṱ wáwálé. 5 Asá né mmu ḡwε Eṣṱwṱ nnó, “Eṣṱwṱ abṱ gejee ne mendoó εwe ji afyεé εsé ne menyammyε dṱ.” Nénde alu eke menṱ ayi alá

kelege nnó mendée wuú akwe uló. Déferégé f́ nnó genó eyina gelú detú. <sup>6</sup> Yémbó, Esòwò apóoge ese d́ó wyé ndere ñwe wuú áj́ó aké, “Esòwò ashyaá yéndégenó eyigé b́ó abi ábwége mmye ákelege mampye, yémbó apóoge b́ó abi áshúlege mmye ebẃó mme.”

<sup>7</sup> Gétú yina, lyaáge Esòwò ábé mfwa nyú. Ténége ukáló ne danchómeló ne aboó nye enyú. <sup>8</sup> Chwáge kwókwólé ne Esòwò, mbóge dechwóge kwókwólé ne Esòwò, ji ntó achwó kwókwólé ne enyú. Enyú b́ó abi dépyéé gabo, férege amu né gabo yi enyú depyéé, enyú b́ó abi dedoó manaá dedoó maweé, tenege meti é má ne mató nyú mmu pópó. <sup>9</sup> Tége gabo ayi enyú depyéé, débé meshwe, désómégé, délilí mánsé áshúlégé. Démagé jwase jwane, somege lé somege. Debége f́ ne metó megómégó, bégelé meshwemeshwe. <sup>10</sup> Shulégé mmye enyú mme né mbé ushu Ata, depyége mbó abwége nye enyú ntó mfaá.

*Déj́ógé f́ depó debodebo ne até aḡmé*

<sup>11</sup> Aḡmé ba, dej́ógé f́ depó debodebo ne até. Mbóge muú aj́ógé mej́ó mebomebo ne nte menḡme wuú, ye asóge mpa wuú mbó, ebyennó aj́ge mbó atome ne ebe Esòwò ne aj́ge mbó lé nnó eṕf́ cho mánsó mpa. Mbóge aj́ge nnó ebe eṕf́ cho, ebyennó ji ábélege se ebe, ne asele gemé jíí nnó apwó ebe Esòwò. <sup>12</sup> Elé Esòwò mbií ne awyaá utó máncyéé b́ó ebe ne mámpa mpa bwó. Ji ntó ne awyaá utó mámpye muú atané né unó mpa. Ji ntó ne awyaá utó manwá muú. Wó òferé nnó ólu waá ayi ótenege ój́óge gabo mbaá menḡmé wyé?

*Lyaáge mmye mebwége*

<sup>13</sup> Wúge, enyú bɔ́ abi déjɔ́oge nnó, “Waá fina, waá geyana dejyɛ́ nye gefɔ́ogé melo ewe. Debelege éwu genógé nɛme, dekenne gese ne debɔ́ nyé nsa nka.” <sup>14</sup> Enyú dejɔ́oge mbɔ dekaá nnó geyána abeé nnó? Geɛwáge nyú gébeé nye nnó? Geɛwáge nyú gélú eké gekógé dondo, eyi géchwáogé gélá wyágé mankaá. <sup>15</sup> Enyú débó manjɔ́ lé nnó, “Mbɔogé Esɔwɔ ajɔ́ogé nnó denyé geɛwá, denyé nye geɛwá dépye yéndégenó.” <sup>16</sup> Nɛere elúmbɔ, enyú délú deteé wye geɛwá ne nsá nka, debwɛge mmye ne dewyaá nepá. Mmye mebwɛge eyimbɔ elɔme fɔ́.

<sup>17</sup> Tége nnó mbɔogé muú akaá genó gelógéló eyigé ji abɔ́ mampye ne alá pyeé géjí wɔ́, apyeé mbɔ élé gabo.

## 5

### *Afwa nka ágene nye efwyale*

<sup>1</sup> Wúge enyú afwa nka, débɔ manlili ne dekalege né gekpékpégé efwyale ewé echwɔ́ nye eta nyú bíí fɔ́. <sup>2</sup> Gejamege unó bi enyú déwyáa né mmu upú uchɔ́, ne ugbáge únyé mandeé nyú. <sup>3</sup> Nférékán achɔ́ me nka nyú. Nférékán yimbɔ alere nnó, wye nkane áchɔ́ nka nyú, mbɔntó ne menyammye nyú áchɔ́oge nɛere mewɛ esɔ́ genó. Mme achwɔ́ byé yémbɔ enyú denywɛge wye manka nywɛge né mmu upú nyú eké yé genó eyi géchwɔ́ pyé enyú gépó. <sup>4</sup> Wúge magbo ayi bɔ́ abi ápyeé utɔ́ né makɔ́ nyú álilí gétúgé manka áyi enyú denyéé ebwɔ́ ne délá kélégé manchyeé. Éféé ne ebwɔ́ álilí áshúlege enyú ndo. Magbo ayi ebwɔ́ álilí gétúgé mbwɛ ayi ebwɔ́ ákyeé, akwɔ́ne matú Anyátá Esɔwɔ́. <sup>5</sup> Enyú denyéé geɛwá fá mme depye yéndégenó

eyigé dékélege. Denyeé, dewene, denjeage eké mpó mabó eyi ela kaá nnó fina ne áwáne nyé éjí wó. <sup>6</sup> Enyú depye ámpané mpa áke bós abi alá pyé gabo wó ákwé mpa. Déwá bós abi álu cho né mbe ushu Esowó yé mmye ádoré wó.

### *Kóge matóó degilé Ata Jisós*

<sup>7</sup> Gétú yina áhémé ba, ngarege enyú nnó dékógé matóó, dégilé kpaá te gébégé Ata Jisós Kras achwóó nyé abané esé fa. Féregé ndere mempyé makóó ágilé mambó mbwé melóméló né mekóó wuú. Ajwálege ákoge metóó agilé manaá nnó ákwé, gébégé aké akwene ji agilé nnó mbwé áwé. <sup>8</sup> Wyé mbóntó ne enyú débóó mánkó metóó, dépwagé néndé, gébé eyígé Ata Jisós akéregé nyé géla kwókwólé.

<sup>9</sup> Ndere dégilé ahémé ba, dénmenégé fó humhum déshulégé ate ndo. Depyegé mbó debeé gyé gébégé Esowó aké apane mpa nyú. Nénde gébé eyigé Jisós gekpékpége mempane mpa achwóó géla kwókwólé. <sup>10</sup> Ahémé ba, sége gekagé neke né bós ekpávé Esowó, ebwó ágaré nyá mekomejós né mabó Esowó. Agé gejamégé efwyale yémbó ájwólé metóó kó. Kóge ntó matóó ndere ebwó ápyé. <sup>11</sup> Kaáge nnó esé dese ebwó ndere bós abi Esowó ajéle ebwó, néndé ebwó átene ne eshye kpaá te kwyakwyá. Enyú debó dekaá ndere Job akogé nyá metóó gébégé depó détome ji. Ne ndere Esowó apyé nnó ewuú efwyale ekwyá ne galógáló. Wáwálé, Esowó alóme melu ne agene esé ako meshwe

<sup>12</sup> Ahémé ba, wúge mechó kpaá ewé me nkélege mangaré enyú. Yéndégébé muú ake akélege mánjós genó ásé gébé ékagé ákélé yé genó fó. Yé ébé

elé mabə mfaánebuú yé ele mme. Akeléyé yé genó fə cháchá. Mechó ébéyé ewé ji ákámége ákámé “eh” ne ébéyé ewé ji áshya, ashya “ngba.” Mbəgé muú apyégémbə, ábó fə mpa ne Ešəwə.

<sup>13</sup> Mbəgé muú nyú awyaá efwyale ánemmye mbaá Ešəwə nnó ápoó ji. Mbəgé muú nyú metóó égəó ji, ákwá makwa áféé Ešəwə. <sup>14</sup> Mbəgé muú nyú amee, ákú ákpákpá echomele bəó Ešəwə áchwó áné mmye mbaá Ešəwə gétú ji. Aké anenemmye áwaá ji mawee ne áne mmye né mabo Ata Jisəs Kras nnó Ešəwə ápyé ji átoó. <sup>15</sup> Mbəgé ánegémmye mbə, ne áfyegé metóó ne Ešəwə, mmyemenene yimbə épye nye muú nemée yimbə atóó. Ešəwə apye nyé menyammye wuú atóó. Mbəgé ápyegé unó uboubə Ešəwə ájige nye nte gabo wuú. <sup>16</sup> Gétú eyína nchyege enyú majyee nnó mbəgé muú nyú apye gyee mbaá nte menjé, ashu eku né gabo ayi ji ápyé eta wuú ne yéndemuú nyú anenemmye nnó Ešəwə ápyé enyú détoó mbaá mameé nyú. Ne enyú debó mánkaá nnó mbəgé muú atenégé cho né mbe ushu Ešəwə, mmyemenene jíí echyá ne ewyaá utó mampye Ešəwə apye yénde gekpékpégé genó eyigé agi ji. <sup>17</sup> Tége Elija. Abó alu mekwaá wyé ndere esé. Ané nyá mmye mbaá Ešəwə ne metóó wuú meko nnó Ešəwə ágbaré manaá. Ešəwə agbaré nyá manaá né gebagé mewaa éyimbə. Mekwéé ákwe kpaá te né ayme aléé ne geba yé enka manaá échyé mme né gebagé mewaa Isrelí wó. <sup>18</sup> Ébélégé, ama anémmye ne Ešəwə ató manaá matané mfaá makwé jegé jegé. Mme ala nywanywa ne unó úlə mánwéné.

<sup>19</sup> Anmé ba, mbəgé muú nyú anogé mewaa alyagé meti ewé wáwálé ne muú fə apoógé ji

akérége wyε, gé mechó melóméló mbɔ. <sup>20</sup> Kaáge nnó, yéndémuú nyú ayi ájáme muú ayi ápyεé gabo nnó alyaá gabo ákéré meso mbaá Εσωω, εbyennó aferé ji né negbo. Apyε ntó nnó Εσωω ájinte gejamégé gabo wuu.

**Ν<sub>WE</sub> menomenyεέ mekέ**  
**New Testament in Denya (CM:anv:Denya)**

copyright © 2010 Wycliffe Bible Translators, Inc.

Language: Denya

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Denya

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
c1c6a10b-c0b1-5242-bb46-153e2e25ddc7